

主編 陳智超

陳垣全集



第十六冊

安徽大學出版社



第十六冊

日知錄校注(下)

陳垣全集



安徽大学出版社

圖書在版編目(CIP)數據

陳垣全集. 第 16 冊, 日知錄校注. 下 / 陳垣著. — 合肥:
安徽大學出版社, 2009. 8
ISBN 978-7-81110-388-5

I. 陳... II. 陳... III. ①陳垣(1880~1971)—全集
②文史哲—中國—清代 ③日知錄—注釋 IV. C52 B249.12
中國版本圖書館 CIP 數據核字(2009)第 155475 號

陳垣全集 第十六冊

日知錄校注(下)

(清)顧炎武 著 陳 垣 校注 陳智超 主編

安徽大學出版社出版發行

(合肥市肥西路 3 號 郵編 230039 電話 0551-5107716

網址 www.ahupress.com.cn)

合肥遠東印務有限公司印製

責任總編輯 楊應芹 彭君華

本冊編輯 老 鼓 封面設計 孟獻輝

開本 880×1230 1/32 印張 21 字數 409 千

2009 年 12 月第 1 版 2009 年 12 月第 1 次印刷

ISBN 978-7-81110-388-5

定價 1980.00 圓(全二十三冊)

如有影響閱讀的印裝質量問題,請與出版社發行部聯繫調換

二卷
2.4

此条有疏自己注者，所引書注，卷元一
律稱為原注，此檢原書不稱。

引文則已，常事。此条引文有增條，

引實錄，有自注，已上實錄全文。

11卷18頁

18.15
5.5

此条引文中，有入黃注，以引文為音林注。

17.21

有引文中，引文者，

卷十

侯生年傳諸侯城衛誓丘之郭燧
 秋也，杜氏曰誓丘衛國都郭，郭
 也。

嘉十年傳宋公重晉侯子楚之(曹地)

陳垣全集之二十四

日知錄校注（下）

安徽大學出版社

日知錄校注卷二十三

姓

言姓者，本於五帝，見於春秋者得二十有二。嫫，虞姓，出顓頊，封于杞、鄆、越。傳云：「沈如蓐黃。」〔一〕春秋時無考。子，殷姓，出高辛，封于宋。小戎亦子姓。

姬，周姓，出黃帝，封于管、蔡、邶、霍、魯、衛、毛、聃、郇、雍、曹、滕、畢、原、鄆、邶、邶、晉、應、韓、凡、蔣、邢、茅、胙、祭、吳、虞、虢、鄭、燕、魏、芮、彤、荀、賈、耿、滑、焦、楊、密、隨、巴諸國。驪戎、犬戎皆姬姓。任、宿、須句、顓臾，風姓也，自太皞。秦、趙、梁、徐、邾、江、黃、葛、麋，嬴姓

也，自少皞。莒，己姓。薛，任姓。隱十一年疏，引世本，謝章、薛舒、呂祝、終、泉、畢，過十國，皆任姓。南

燕，姑姓也，自黃帝。密須亦姑姓。〔國語〕又有西、滕、箴、荀、僖、僂、依七姓，其封國在周世無考〔二〕。杜，祁姓

也，自陶唐。楚、夔、權，芊姓〔三〕。邾、邾、曹姓。郕、偃陽，妘姓。驩夷，董姓也，自祝融。

〔國語〕又有彭、秃、斟三姓，在周世無考〔四〕。齊、申、呂、許、紀、州、向，姜姓也，自炎帝。又有姜戎。蓼、

六、舒、舒鳩，偃姓也，自咎繇。胡，歸姓。鄧，曼姓。羅，熊姓。狄，隗姓。鄭瞞，漆姓。陰戎，允姓。六者不詳其所出。國語以莒爲曹姓，越爲芊姓〔五〕，與此異。略舉一二論之，則今之孟氏、季氏、孫氏、甯氏、游氏、豐氏皆姬；陳氏、田氏皆媯；華氏、向氏、樂氏、魚氏皆子；崔氏、馬氏皆姜；屈氏、昭氏、景氏皆芊。自戰國以下之人，以氏爲姓，而五帝以來之姓亡矣。或曰嬴姓出于祝融，邳、葛、穀皆嬴姓，伯益賜姓嬴，秦、趙、徐乃其後。凡注疏家所引姓氏，大抵出于世本。今其書亡，不能備考。

〔一〕左傳昭元年。

〔二〕國語晉語十。

〔三〕「芊」，本作「𦍋」，音米，羊聲。下同。

〔四〕國語鄭語十六。

〔五〕國語鄭語十六。

氏族

禮記大傳正義〔一〕：「諸侯賜卿大夫以氏。若同姓，公之子曰公子，公子之子曰公孫，

公孫之子，其親已遠，不得上連於公，故以王父字爲氏。若適夫人之子，則以五十字伯仲爲氏，若魯之仲孫、季孫，是也。若庶子、妾子，則以二十字爲氏，〔記所云「冠而字之」之字。〕則展氏、臧氏是也。〔二〕若異姓〔三〕，則以父祖官及所食之邑爲氏。以官爲氏者，則司馬、司城是也。以邑爲氏者，若韓、趙、魏是也。凡賜氏族者，比爲卿，乃賜，有大功德者，生賜以族，若叔孫得臣是也。雖公子之身，若有大功德，則以公子之字，賜以爲族，若仲遂是也；其無功德，死後乃賜族，若無駭是也。〔按此論亦多不然，詳見第一卷卿不書族條〔四〕。〕其子孫若爲卿，其君不賜族，子孫自以王父字爲族也。氏、族，對文爲別，散則通也。故左傳〔五〕云：『問族於衆仲』，下云：『公命以字爲展氏。』是也。其姓與氏，散亦得通，故春秋有姜氏、子氏，姜、子皆姓，而云氏是也。〔六〕

〔一〕大傳第十六。

〔二〕「五十」、「二十」，不明。

〔三〕今本正義作「男女」。

〔四〕不書族條，初刻在第二卷，鈔本、潘本在第四卷。

〔五〕左傳隱八年。

〔六〕大傳正義至此止。

戰國時人，大抵猶稱氏族。戰國策，甘茂曰：「昔者曾子處費，費人有與曾子同名族者，而殺人。」〔一〕不言姓而言族，可見當時未嘗以氏爲姓也。漢人則通謂之姓，然氏族之稱，猶有存者。漢書恩澤侯

表〔二〕：「褒魯節侯公子寬，以魯頃公玄孫之玄孫奉周祀。元始元年六月丙午，封。子相如嗣，更姓公孫氏。平帝紀：「封周公後公孫相如爲褒魯侯。」〔三〕當依表作公子寬。後更爲姬氏。」公子、公孫，氏也；姬，姓也。此變氏稱姓之一證。

〔一〕戰國策四秦策。

〔二〕漢書十八。

〔三〕漢書十二。

水經注〔一〕：「漢武帝元鼎四年，幸雒陽，巡省豫州，觀於周室，邈而無祀，詢問耆老，乃得孽子嘉，封爲周子南君，以奉周祀。按汲冢古文〔二〕謂：衛將軍文子，爲子南彌牟，其後有子南勁。紀年：『勁朝于魏，後惠成王如衛，命子南爲侯。』秦并六國，衛最後滅，疑嘉是衛後，故氏子南而稱君也。」據此嘉本氏子南，武帝即以其氏命之爲爵。而漢書恩澤侯表〔三〕竟作姬嘉，則沒其氏，而書其姓矣。與褒魯之封公孫氏，更爲姬氏者正同。

〔一〕水經注廿一汝水條。

〔二〕汲冢古文乃酈道元注引。

〔三〕漢書十八。

姓氏之稱，自太史公始混而爲一。本紀於秦始皇則曰姓趙氏，於漢高祖則曰姓劉氏〔一〕。

〔一〕超案：集釋此下引亭林文集一原姓篇。

氏族相傳之訛〔一〕

氏族之書，所指秦漢以上者，大抵不可盡信。唐書表李氏則云：「紂之時有理徵，字德靈，爲翼隸中吳伯。」〔二〕本李延壽北史序傳。不知三代時無此名字，無此官爵也。表王氏則云：「周靈王太子晉，以直諫廢爲庶人。」〔三〕傳記亦無此事。王氏定著三房，一曰琅邪，二曰太原，皆出靈王太子晉，三曰京兆，出魏信陵君。是凡王皆姬姓矣，乃王莽自云舜後。漢書元后傳：「莽自謂黃帝之後，黃帝姓姚氏，八世生虞舜，舜起媯汭，以媯爲姓。至周武王封舜後媯滿于陳，是爲胡公。」

十三世生完，完字敬仲，奔齊，齊桓公以爲卿，姓田氏。十一世田和，有齊國，三世稱王，至王建爲秦所滅。項羽起，封建孫安爲濟北王。至漢興，安失國，齊人謂之王家，因以爲氏。〔四〕莽敗，其族尚全，未必無後裔。而春秋，吳有王犯，晉有王良，范氏之臣王生。戰國，齊有王斗、王蠋、王驪，費有王順，魏有王錯，趙有王登。秦有王稽、王齕、王綰、王戊。過秦論有王廖，未知何國人。亦未必同出於靈王也。野客叢書：「曹子建作王仲宣誄曰：『流裔畢萬，末胄稱王。厥姓斯氏，條分葉散。世滋芳烈，揚聲秦漢。』呂向注：『秦有王翦，王離，漢有五侯。』按王粲系畢公高之後，畢萬封于魏，後十代文侯，始列爲侯，至孫稱惠王，因以王爲氏。而秦之翦、離，自周太子晉之後。漢之五侯，自齊田和之後。此三派元不相干，注引爲一，誤矣。故新莽以姚、嬀、陳、田、王五姓爲宗室，且禁元城王氏，勿與四姓爲婚，而已自取王詵之女。魏東萊王基爲子納太原王沈女，皆不以爲嫌，蓋知此也。庾信作宇文傑墓志，亦有是誤。」〔五〕韓文公作王仲舒神道碑文云：「王氏皆王者之後，在太原者爲姬姓。春秋時，王子成父敗狄有功，因賜氏。」〔六〕此語卻有斟酌。

〔一〕初刻七之一，只有前四段。

〔二〕新唐書七上宗室世系表。

〔三〕新唐書七二中宰相世系表。

〔四〕漢書九八。

〔五〕野客叢書八。初刻注只有此節。

〔六〕韓昌黎集卅一。

竇氏，古無所考。類族者不得其本，見左傳有「后緡方娠，逃出自竇」之文〔一〕，即爲之說曰：帝相妃有仍氏女，逃出自竇，奔歸有仍，生少康。少康次子曰龍，留居有仍，遂爲竇氏。唐書宰相世系表〔二〕。此與王莽引易「伏戎于莽，升其高陵」〔三〕，莽，皇帝名也；升，劉伯升也，何以異哉？乃韓文公作竇牟墓志〔四〕：「后緡竇逃閔腹子，夏以再家竇爲氏。」亦用此事。竊意古地以竇名者甚多，必是以地爲氏。路史曰：「余嘗考之古之得姓者，未有不本乎始封者也，其氏於事者蓋寡矣。而姓書氏譜，一每爲之曲說，至有棄其祖之所自出，又牽異類而屬之，豈不悲哉？」〔五〕正謂若此之類也。

〔一〕左傳哀元年。

〔二〕新唐書七一下。

〔三〕易同人。

〔四〕韓昌黎集三三三。

〔五〕路史國名紀一黃帝之宗條。

漢時碑文所述氏族之始，多不可據。如魏蔣濟郊議，稱曹騰碑文云：「曹氏族出自邾。」〔一〕王沈魏書云：「其先出於黃帝。當高陽世，陸終之子曰安，是爲曹姓。周武王克殷，封曹俠于邾。至戰國爲楚所滅，子孫分流，或家于沛。」〔二〕而魏武作家傳，自云曹叔振鐸之後。陳思王作武帝誄曰：「於穆武王，胄稷胤周。」〔三〕則又姬姓之後，以國爲氏者矣。及至景初中，明帝從高堂隆議，謂魏爲舜後，詔曰：「曹氏世系，出自有虞氏。今祀圜丘，以始祖帝舜配。」後少帝禪晉文，亦稱我皇祖有虞氏。則又不知其何所據。〔宋書符瑞志載博士蘇林、董巴言，但云：「魏之氏族，出自顓頊，與舜同祖。見於春秋世家。」〔四〕魏志：「蔣濟以爲舜本姓媯，其苗曰田，非曹之先，著文以追詰隆。」〔五〕夫以一代之君，而三易其祖，豈不可笑？況於士大夫乎！

〔一〕三國志 魏志 十四 蔣濟傳 注。

〔二〕三國志 一 魏志 注。

〔三〕藝文類聚 十三。

〔四〕宋書 二七。

〔五〕三國志 魏志 十四 蔣濟傳。初刻無此注。

程氏，出程伯休父。太史公自序〔一〕云：「重黎氏世序天地，其在周，程伯休甫其後也。」應劭曰：「封爲程國，伯休甫字也，其後爲司馬氏。」〔晉書〕宣帝紀：「其先出自帝高陽之子重黎，爲夏官祝融。歷唐、虞、夏、商，世序其職。及周以夏官爲司馬，其後程伯休甫。周宣王時，以世官克平徐方，錫以官族，因而爲氏。」〔二〕而左傳成十八年，「晉欒書、中行偃使程滑弑厲公」。注：「程滑，晉大夫。」襄二十三年，「程、鄭嬖於公」。注：「鄭亦荀氏宗。」此則晉之程氏，乃荀氏之別，不與休甫同出。今既祖休甫，又祖程嬰，則誤矣。〔路史〕以荀爲文王之後〔三〕。子華子之書，亦言其族出于司馬。而又曰：「趙則真吾姓之所宗氏也。」〔四〕則程又與趙同祖。朱子曰：「子華子近世僞書。今或引其說以證姓氏之所從出，則誣其祖矣。」又按莊子及呂氏春秋，子華子，韓昭釐侯時人，非孔子所見之程子〔五〕。

〔一〕史記一三〇。

〔二〕晉書一。

〔三〕路史國名紀五。

〔四〕子華子下。「子華子」以下，初刻無。

〔五〕莊子九讓王篇作「昭僖侯」。呂氏春秋廿一開春論四審爲篇。

沈氏。宋書沈約自序〔一〕：「昔少皞金天氏有裔子曰昧，爲玄冥師，生允格、臺駘。臺

駘能業其官，宣汾洮，障大澤，以處大原，帝顓頊嘉之，封諸汾川。其後四國，沈、姒、蓐、黃。沈，子國，今汝南平輿沈亭是也。汝南去汾州甚遠。春秋之時列于盟會。定公四年諸侯會召陵

伐楚，沈子不會，晉使蔡伐沈，滅之，以沈子嘉歸。」〔二〕按沈、姒、蓐、黃四國，皆在汾水之

上，爲晉所滅。左氏昭公元年傳曰：「今晉主汾而滅之矣。」黃，非江人，黃人之黃，則沈亦非沈子嘉之

沈。休文乃竝列而合之爲一，誤也。唐宰相世系表曰：「沈氏出自姬姓，周文王第十子聃

叔季，食采於沈，汝南平輿沈亭即其地也。」〔三〕此爲得之。又按魯有沈猶氏。家語魯之販羊，有沈猶

氏者。曾子弟子沈猶行，是以地爲姓。漢書：景帝封楚元王子歲爲沈猶侯〔四〕。

〔一〕宋書一〇〇引左傳昭元年。

〔二〕沈約自序止。

〔三〕新唐書七四上。

〔四〕漢書三六。

白氏。唐白居易自序家狀曰：「出於楚太子建之子白公勝。楚殺白公，其子奔秦，代爲名將，乙丙已降是也。裔孫白起，有大功於秦，封武安君。」〔一〕按白乙丙見於僖之三十三年，白公之死，則哀之十六年，後白乙丙一百四十八年。曾謂樂天而不考古，一至此哉。

唐宰相世系表〔二〕，以西乞術、白乙丙爲孟明之子，尤誤。

〔一〕白氏長慶集二九太原白氏家狀。

〔二〕新唐書七五下。

楊氏。漢書揚从才雄傳〔一〕曰：「其先出自有周伯僑者，以支庶食采於晉之楊，」

〔左傳〕

「楊」字从木〔二〕。因氏焉。楊在河汾之間，周衰而楊氏或稱侯，號曰楊侯。會晉六卿爭權，

韓、魏、趙興，而范中行、知伯弊，當是時偪楊侯，楊侯逃於楚巫山，因家焉。」此誤以楊侯與楊食我〔三〕爲一人也。唐書宰相世系表曰〔四〕：「楊氏出自姬姓，周宣王子尚父封爲楊侯。

又云晉之公族，食邑於羊舌。」〔左傳正義引世族譜云：「羊舌其所食邑名。」〕〔五〕凡三縣，一曰銅鞮，二曰

楊氏，三曰平陽。羊舌四族，叔向食采楊氏，其地平陽，楊氏縣是也。及晉滅羊舌氏，而叔

向子孫逃于華山仙谷，遂居華陰。」用修〔六〕據此以楊、陽、揚、羊四姓爲一，尤誤。按楊城即今之洪洞縣，本楊侯國。〔左氏女叔侯所云：霍、楊、韓、魏，皆姬姓也。襄二十九年。〕而子雲

反離騷亦云：「有周氏之嬋嫣兮，或鼻祖於汾隅，靈宗初諱伯僑兮，流于末之楊侯。」不知其字何以爲「揚」？及其滅於晉，而爲大夫羊舌氏邑，則食我始見於傳，而楊朱與老子同時，